

victa, cum dubitari non possit, quin sit determinata, invariabilis & invicta hæc veritas de amore præsentis.

X.
Hinc alterum è duobus futuris liberis contradictoriis est determinatè futurum.

Tum quia omnis determinata veritas est per se cognoscibilis, & à Deo quidem maxime; hinc veritas prædicta futurationis fuit semper à Deo cognita; vel præsertim quia apud Deum veritas futurationis est veritas ipsa præsentis: siquidem Deus, ut antè probatum est, non aliter quàm instar præsentium novit futura omnia. Atque hic est modus sciendi futura libera planè Divinus, quem satis sit obiter insinuasce, donec infra pienè stabiliatur.

X I.
Omne medium in quo præsciat Deus futura libera, vel antecedit, vel consequitur usum humanæ libertatis.

Addo etiam hanc portentosissimam difficultatem de medio, in quo præsciat certò Deus futura libera, videri redigi posse ad hoc, ut sciatur, an sic præsciri possint in medio, quod usum libertatis antecedit; aut è contra an sic præsciri non possint, nisi in medio, quod libertatis usum supponat: sive, quod idem est, ad hoc ut sciatur, an medium in quo Deus certò præscit futura libera, præveniat aut consequatur usum libertatis; quia si prævenit, futura libera ideo erunt futura, quia Deus præscivit: si autem consequitur, Deus ex adverso non præscit futura libera, nisi quia illa sic futura sunt; & sic non causabuntur, ut ita loquar, per præscientiam Divinam; sed præscientiam Divinam causabunt.

X II.
Nihil est in tota Theologia magis arduum, quàm solutio hujus difficultatis.

Jam verò ut in re tam ardua & in tot sententias divisa dicam quæ sit mea mens, duo sunt quæ mihi offeruntur hic asserenda. *Unum* est, nescire Deum posse certò futura libera in suis decretis qualitercunque attemperatis, sive accommodatis ad indolem libertatis humanæ. *Aterum* est futura illa certò sciri in veritate determinata unius è duobus futuris contradictoriis, & pendente ex vi contradictionis, quæ determinat futurationem illius per suppositionem alterius non futuri. Quo pacto confutabitur opinio, quæ in Schois Thomisticis celebrior est, & præferretur alia, quæ extra illas receptor est circa principium sive medium, in quo stabiliri possit certitudo Divinæ de futuris liberis præsentis.